



Fondacija tuzlanske zajednice

Vitalni znaci 2019

Konsultacije sa članovima Odbora OBK

Razgovor sa članovima članovima Odbora Omladinske banke Kalesija



Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocjenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



Datum: 07. avgust 2019.

Oblasti za diskusiju: Rad, zapošljavanje, ekonomija i poduzetništvo, te Okoliš i zaštita okoliša

U saradnji sa: Odborom Omladinske banke Kalesija

Lokacija: Kamp Omladinske banke

Broj učesnika: 12 (9M i 3Ž)

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena sa mladim ljudima koji su članovi omladinskih banaka (Omladinska banka Kalesija).

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima omladinskih banaka predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Četiri učesnika su se složila da je stanje u oblasti "Okoliš i zaštita okoliša" zabrinjavajuća, te da situacija zahtijeva ozbiljnu društvenu reakciju. Dok osam učesnika smatraju da je stanje u ovoj oblasti zadovoljavajuće, te je potrebno uložiti napor da se situacija održi ili poboljša.

Predstavnici Omladinske banke su se izjasnili da je "zdrava", "vitalna" zajednica u okviru oblasti "Okoliš i zaštita okoliša" mjesto koje ima mogućnost selektivnog odlaganja otpada, gdje se nadležne institucije za održavanje čistoće kontrolišu, gdje ne postoje divlje deponije, gdje su fabrike udaljene od mjesta stanovanja, gdje ljudi koriste filtere na svojim dimnjacima i konstantno se edukuju.

Ono što je dobro u zajednici u oblasti "Okoliš i zaštita okoliša" jesu omladinske inicijative u cilju rješavanja problema, održavanje ulica, održavanje gradskih obilježja i udruženja koja se bave ekologijom.

Ono što treba poboljšati u zajednicama na području općine Kalesija je omogućavanje selektivnog odlaganja otpada, unapređivanje rada komunalnog preduzeća, povećati sadnju drveća i izgradnja parkova.

Za oblast "Rad, zapošljavanje, ekonomija i poduzetništvo" većina učesnika se izjasnila da je stanje u ovoj oblasti zadovoljavajuće, te je potrebno uložiti napor da se situacija održi ili poboljša, dok četiri učesnika misle da je stanje zabrinjavajuće, situacija zahtijeva ozbiljnu društvenu reakciju.

Kada govorimo o ovoj oblasti građani su se izjasnili da "zdrava", "vitalna" zajednica treba da omogući manja fiskalna i poreska opterećenja poduzetnicima, da daje subvencije za samozapošljavanje, da su radna mjesta u skladu sa dostupnim zanimanjima, da zavod za zapošljavanje obavlja adekvatno svoj posao, te da je nivo sive ekonomije nizak.

Ono što je dobro u općini Kalesija je to da postoji veliki broj poduzetnika, povećana želja mladih za pokretanje biznisa i da se radna mjesta često otvaraju.

Treba povećati plate, skratiti radno vrijeme, registrovati poduzetnike koji rade na "crno", skratiti procedure za pokretanje biznisa, podrška nadležnih vlasti mladim poduzetnicima, ukidanje zapošljavanja na osnovu političke orijentacije, poštovanje konkursne procedure prilikom zapošljavanja u bilo kojem sektoru.



Okoliš i zaštita okoliša

Članovi Omladinske banke Kalesija su rekli

Kako izgleda „zdrava“, „vitalna“ zajednica?

- Mjesto gdje se otpad može selektivno odlagati
- Fabrike su udaljene od mjesta stanovanja
- Dimnjaci sadrže filtere

Šta dobro funkcionira u vašoj zajednici?

- Službe za održavanje javnih puteva,
- Održavanje gradskih obilježja

Šta se može poboljšati u zajednici?

- Omogućiti selektivno odlaganje otpada
- Rad komunalnog preduzeća
- Povećati broj parkova

Rad, zapošljavanje, ekonomija i poduzetništvo

Članovi Omladinske banke Kalesija su rekli

Kako izgleda „zdrava“, „vitalna“ zajednica?

- Manja poreska i fiskalna opterećenja
- Subvencije za samozapošljavanje
- Nizak nivo sive ekonomije

Šta dobro funkcionira u vašoj zajednici?

- Veliki broj poduzetnika
- Broj radnih mjesta

Šta se može poboljšati u zajednici?

- Povećati plate
- Skratiti radno vrijeme
- Skratiti procedure za pokretanje biznisa
- Ukinuti korupciju



Šta ja mogu uraditi da dopinesem izgradnji zdravije i bolje zajednice?

- Učestvovati u ekološkim akcijama
- Širiti svijest u svojoj školi
- Organizovati projekte na temu ekologije
- Ispravno odlagati otpad kod svoje kuće
- Uticati na članove moje porodice da budu ekološki odgovorni
- Edukovati se na ovu temu
- Učestvovati u sekcijama i radu organizacija koje promovišu ove teme
- Poticati i motivisati svoje prijatelje i kolege da se zainteresuju za tu temu
- Promovisati iskorjenjivanje korupcije